

女
科
經
綸

〈三〉

女科經綸卷五

樵李蕭

墟賡六纂著

甥婿

陳與權聖用

鑑律黃

全校

高孝典虞徽

鑑蠡濤

陳士奎煥文

張鴻遠麟友

沈德敷日巖

吳桂芑舒秀

禾郡

王祚昌平川

黃金綬爾錫

全參訂

沈廷翰維馨

陳奇猷爾卿

產後證

上革

臨產將息之法

婦人良方曰、妊娠至臨方、當安神定慮、時常步履、不可多睡、飽食、過飲酒醴雜藥、欲產時、不可多人喧鬧、愴惶、若見漿水、腰間痛甚、是胎已離經、方用藥催生、坐草、不可早服催生藥、早坐苦慎之、

臨產調護用藥之法

薛立齋曰、欲產時、覺腹內轉動、卽當正身仰臥、待兒轉身向下、時作痛、試捏產母手中指中節、或本節跳動、方臨盆、卽產、若初覺、不可仰臥、以待轉胞、或未產而水頻下、此胞衣已破、血水生、乾、必有逆生難產之患、若胞衣破、不得分娩、用保生無憂散以

固其血如血已耗損八珍湯加益母草濃煎時飲之凡孕婦止
腹痛未產也連腰痛者將產也腎候于腰胞繫于腎故也凡孕
有生息不順宜囑穩婆只說未產或遇雙胎只說胞衣恐驚則
氣散愈難生息大抵難產多患鬱悶安佚富貴之家治法雖云
胎前順氣產後補血不可專執者脾胃不實氣血不充宜預調
補之。

臨產預備必用之藥

婦人良方曰花蕊石散爲血人胞衣脹大不能下或惡露上攻
佛手散治血虛危證加家芎歸湯入龜板治交骨不開革藤子

治胎衣不下、失笑散、治惡露腹痛、不醒人事、酥油調滑石、塗
產門、爲滑胎之聖藥、清魂散、治血暈諸證、平胃散、朴硝、水銀、
腐化死胎之劑、皆爲臨產時緊要之藥也、若氣血虛損、以八
十全湯加減

臨產腹痛宜辨弄胎試胎二候

便產須知曰、臨月、或腹痛、或作或止、或一二日、三五日、胎水
來、腹痛無已時、名曰弄胎、非當產也、又有一月前、忽然腹痛、
欲便生、名曰試胎、非當產也、凡腹痛、胎水來與不來、俱不妨重、
但當寬心候時、若果當生、痛極不已、腰間重脹、穀道挺併、漿

淋下其兒遂生。蓋產自有時。如菓熟香飄。瓜熟蒂落是也。

慎齋按已上四條。序臨產時有將息調護之法。有預備必用之藥。若弄胎試胎一條。亦臨產或有之事。不可愴惶。鹵莽。反致有害也。

○難產由于安逸氣滯

大全良方曰。婦人以血爲主。惟氣順則血和。胎安則產順。今富貴之家。過于安逸。以致氣滯而胎不轉。或爲交合。使精血聚于胞中。皆致難產也。

○難產由于恐懼氣結

許叔微曰、有產累日不下、服催生藥不驗、此必坐草太早、心懼而氣結不行也。經云、恐則氣下、恐則精怯、怯則上焦閉、閉則氣還、還則下焦脹、氣乃不行。得紫蘇飲一服便產。

○難產由干胞中敗血壅滯

郭稽中曰、產難者、因兒轉身、將兒枕血被碎、與胞中敗血壅滯、兒身不能便利、是以難產。急服勝金散、消其血、則兒易生矣。

○難產由于胞破血乾

陳無擇曰、難產多因兒未轉順、坐草太早、或努力太過、以致胎衣破而血水乾、產路滯而兒難下。宜先服催生如神散、以固其

難產由于姪孕房事不謹

吳天民曰、或問丹溪所謂難產之婦、多是八九個月內、不能謹
閉、以致氣血虛故也、其旨何與、曰、婦人有娠、不宜與丈夫同寢、
人未諸此理、至八九月內、猶有房室、夫情慾一動、氣血隨耗、
胎孕全賴氣血培養、氣血既虧、則胎息羸弱、日月既足、卽欲分
拆胞求路而出、胞破之後、胞中漿水沛然下流、胎息強健者、
卽翻隨漿而下、此爲易產、胎息倦弱者、轉頭遲慢、不能隨漿而
出、胞漿既乾、汚血閉塞生路、子無所向、遂致橫生逆產、急服催

生藥逐去惡血道路通達庶速產也

慎齋按已上五條序臨產時有難產之患也。難產之由在平時則有安佚氣滯。有心恐氣結。有房室不謹。在將產則有眩血壅滯。有胞漿乾涸。大要不外此數證。

治難產胞漿乾令通上下之氣

大全曰胞漿先破惡水來多胎乾不得下先與四物補養氣而次煎濃葱湯令穩婆洗產戶令氣上下通暢。更用酥油滑石塗產門。次服神妙乳砂丹。或葵子如聖散。

治難產以順氣和血爲主

女科正宗曰難產有因母氣血盛胎肥而難產者有因母氣弱血枯澁而難產者。悉是平時不善調攝。或七八月犯房室致汚濁凝滯。不得順生。大法以順氣和血爲主。如漿乾不下者。滋潤爲主。汚血阻滯者。逐瘀爲主。如坐草用力。皁胞水乾者。滑胎散神應散。連進大劑。如魚得水。自順矣。

治產難子死腹中有下法

陳良甫曰。產難子死腹中者。多因驚動太早。或觸犯禁忌。致令產難。胞漿已破。無血養胎。枯涸而死。故也。須驗產母之舌。若舌青黑者。其胎已死。當下之。平胃散加朴硝。

薛立齋曰。若胎死服朴硝。下穢水。肢體倦怠。氣息奄奄。急用四君子爲主。佐以四物。加姜桂調補之。慎齋按。已上三條。序治難產之大法也。難產治法。或開滑子宮。或通上下之氣。或滋養氣血。當隨機應變。若胎死腹中。惟有下法。下後當從立齋之論爲要。不可不知。

交骨不開。產門不閉。子宮不收。三證。

薛立齋曰。三者皆由元氣素弱。胎前失于調理。致氣血不能運。而然交骨不開者。陰血虛也。佛手散加龜板。產門不閉者。氣血虛也。十全大補湯加五味子。收之。子宮不收者。補中益氣加醋。

炒白芍五味如初產腫脹痛而不閉者加味逍遙散若腫既消而不閉者補中湯加半爲蒸苓以健脾使元氣復而諸疾自愈。切忌寒涼之劑。又曰交骨不開者陰氣虛也。龜爲至陰板則交錯相解。故用之。又有間骨膏明乳香一兩五月五日研細者而爲丸如雞豆大朱砂爲衣加味佛手散送下。

單養賢曰產後見此三證總服生化湯如交骨不開加龜板一枚。

盤腸生

便產須知曰盤腸生者臨產子腸先出然後產子則腸不收名

曰盤腸產穩婆以醋水各半盞默噴產婦之而腸卽收上又去
方用草蘇子仁四十九粒研塗產母頭頂腸卽收上急洗去甘
腸若乾不收以磨刀水少許溫潤之若以水噴而恐驚則氣
愈難收也腸乾者濃煎黃芪湯浸其腸于漆盤中溫暖熏之卽
曰

李太素按盤腸生是必母氣血虛弱因而下脫當用補氣補
血之藥兼以升提則腸自收矣大劑參芪芎歸加升麻
慎齋按已上二條序交骨不開盤腸生是難產中之見證也
雞產不止此二證橫逆產法在穩婆妙手其用藥亦不外此

條諸法

寒月凍產宜煖

楊子建曰凍產者冬月天冷產母經血得冷則凝致兒不能下此害最淡故冬月產者下部不可脫去綿衣并不可坐臥寒處使滿房圍爐常有煖氣令產母背身向火臍下腿膝間常煖血得熱則散兒易生也

夏月熱產宜涼

楊子建曰熱產者盛夏之月產婦要溫涼得所不可恣意取涼傷損胎氣不可人多熱氣逼襲產母心煩熱血沸騰有鬱冒冲

量之患

慎齋按楊子建有十產論俱不可不知但八條悉屬產母與
穩婆之事故不盡錄其凍產熱產二條惟在醫者用藥調護
因節取之予謂古方臨產用藥最多丹溪云只用佛手散最
穩當又效捷後讀單養賢產寶新書有生化湯一方爲產後
加減今當以二方爲主如寒月凍產多加肉桂乳香夏丹麝
產多加辰砂益元散均用童便半盞沖入人參量產婦元氣
虛實多寡加之可也

催生藥宜助氣血爲主

楊子建曰催生者言欲產時兒頭至產門方服藥催之或經日久產母困倦難生宜服藥以助血氣令兒速生也

催生大法

大全曰大法滑以流通滯澁苦以驅逐閉塞香以開竅逐血氣滯者行氣胞漿先破血乾者固血

慎齋按大全云滑以流通澁滯者如車前滑石鳳仙子蜀葵子麻油香油白蜜牛乳猪脂之屬皆滑劑也苦以驅逐閉塞者如桃仁乾姜赤芍厚朴朴硝大黃之屬皆苦劑也香以開竅者如乳香麝香白芷肉桂之屬皆香劑也氣滯則香附枳

殼陳皮烏藥青皮皆順氣之劑也。血乾則當歸川芎益母草
花丹參之屬皆固血之劑也。

催生用藥諸方

女科正宗曰：催生多用滑利退速之藥。古方有兔腦、蛇蛻、筆公、
弩牙、急性子之類，皆一時妙用。惟佛手散爲至當不易。至如王
握石、燕足、貼革、麻子、道乾、澁則用葵子、榆白皮、猪脂、葱油、蜜生
乳以潤之。天寒風冷，使氣血延滯，則用乳香、射香之類，以香能
開竅逐污也。

慎齋按：已上三條序催生用藥之大略也。催生古方甚多，有